



Inatsisartunut ilaasortaq
Tillie Martinussen
Demokraatit

**Politiit misissueqqaarnerminni pisinnaatitaaffii pillugit § 37 naapertorlugu
apeqqutip nr. 205-ip akineqarneranut tunngasoq**

Asasara Tillie Martinussen

Politiit misissueqqaarnissaminnut pisinnaatitaaffii pillugit apeqqutigisannut qujanaq.

Apeqqutigisatit tullingguuttuni akissavakka:

- 1. Naalakkersuisut isumaqarpat nunatsinni politiit Danmarkimi politiitulli misissueqqaarnissaminnut pisinnaatitaaffeqartut? Uani immikkut eqqarsaatigaara, Danmarkimi politiit Eqqartuussisarneq pillugu inatsisip § 729C-a naapertorlugu misissueqqaarnissaminnut pisinnaatitaaffeqarnerat kalaallilli nunaanni eqqartuussisarneq pillugu inatsimmi politiit taamatut periarfissaqartinneqarpasinngillat.**

Ilaqutariinnermut, Naligiissitaanermut Isumaginninnermut Inatsisinillu Atuutsitsinnermut Naalakkersuisoqarfik Inatsiseqarnermut Ministereqarfimmuut paasissutissanik piniarsimavoq, taakkualu ima akippu:

"Kalaallit eqqartuussisarnermut inatsisaanni politiit misissueqqissaartarnerannut malittarisassat danskit eqqartuussisarnermut inatsisaanni malittarisassanit arlalitsigut allaanerussuteqarput.

Politiit misissueqqissaartarnerannut malittarisassanut tunngatillugu danskit kalaallilu eqqartuussisarnermut inatsisaat sutigut immikkooruteqarnerisut assersuuteqarfigeqqullugu Inatsiseqarnermut ministereqarfik Kalaallit Nunaanni Politiinut qinnuiginnissimavoq.

Kalaallit Nunaanni Politiit ilaatigut kalaallit eqqartuussisarnermut inatsisaata danskit eqqartuussisarnermut inatsisaatut innani misissueqqissaarnermut atasumik kilitsissianik politiit atuinissaannut malittarisassanik imaqqanngitsoq innersuussutigaat. Politiit ilanngullugu erseqqissarneqarpoq danskit eqqartuussisarnermut inatsisaannut sanilliullugu kilitsissianut taamaattunut inunnullu pinerluttoqarsimatillugu politiinut paasissutissanik tunniussisunut kinaassutsimik isertuussisoqarnissaanik kalaallit eqqartuussisarnermut inatsisaanni periarfissakinnerummat. Tamatuma saniatigut politiit uparuarneqarpoq danskit eqqartuussisarnermut inatsisaat kalaallit eqqartuussisarnermut inatsisaannut sanilliullugu illersuisup paasissutissanik politiit

22-09-2016
Suliap nr.
2016 - 11864
Allagaatip suussusia Nr.
3539871
Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

tunniunneqartunik ingerlatitseqqinnginnissaanik aamma illersuisup unnerluunneqartulluunniit suliamut atatillugu paasissutissanik pissarsisinnaanissaannut killiliisoqarnissaanik peqqusinissamut periarfissaqarnerummat.

Tassunga atatillugu malugeqquneqarpoq danskit eqqartuussisarnermut inatsisaanni § 729C, apeqqutigineqartumi innersuussutigineqartoq, illersuisup unnerluunneqartulluunniit suliamut atatillugu allagaatinik takunnissinnaatitaaneq killiliinissamut periarfissanut tunngassuteqarmat.

Tassungalu atatillugu malugeqquneqarpoq danskit kalaallilu eqqartuussisarnermut inatsisaasa assigiinngissutaat qulaani tulleriarlugit taaneqartut massakkut Naalackersuisunit nalilersorlugit aallartinneqarsimmamata.

2. Naalackersuisut sulissutiginiarnerlugu kunngip peqqussutaa atorlugu atortussanngortitsiniarlutik, politiit misissueqqaarnerminni pisinnaatitaaffii qaffassarniarlugit? Naalackersuisut qinnuigineqarput akissuteqarnerminnut atatillugu nassuiaqqullugu kunngip peqqussutai sorliit eqqunneqarsimanersut, suut eqqunneqassamaarersut aamma suut eqqukkusunneqannginersut?

Naalackersuisut inatsiseqartitsinerneq tunngatillugu inatsisinik misissuisoqarnissaa pillugu Inatsiseqarnermut ministereqarfimmik oqaloqatiginnittarneri ingerlapput.

Lovtidende.dk-mi inatsisit Kalaallit Nunaannut atuuttut danskisut nassaarineqarsinnaapput (taakkunungalu ilaapput kunngikkormiut peqqussutaat). Rigsombudeqarfiup inatsisit atuuttut kalaallisuunngortinneri avammut saqqummiuttarpei. Inatsiseqarnermut ministereqarfiup naalackersuisoqarfimmut paasissutissiissutigisimavaa ministereqarfik ukiup matuma ingerlanerani eqqartuussisarnermut inatsimmut atasumik nalunaarutissamik suliaqarniarlutik.

Upernaakkut ataatsimiinnermi (UPA2016/111) Naalackersuisut Den Centrale Dna-profil-register (inuup sananeqaataasa ilisarnaataannik qitiusumik nalunaarsuiffik) pillugu inatsisip atuutilernissaa pillugu peqqussummut Namminersorlutik Oqartussat isumaqataanissaat pillugu saqqummiussaqqarput. Siunnersuut ukiakkut ataatsimiinnermi aappasaaneerineqassasoq naatsorsuutaavoq, politiillu misissueqqissaartarnerannut iluaqutaalluurtussatut ilimagineqarluni - akuersissutigineqassappat.

3. Naalackersuisut eqqartuussiveqarnermut inatsit aamma/imaluunniit Kalaallit Nunaanni pinerluttulerinerneq inatsit siunissami qaninnermi nutartissallugit pilersaaruteqarpat?

Naalackersuisut pinerluttulerinerneq inatsisip aamma eqqartuussisarnermut inatsisip arlalitsigut allannguiffigineqarnissaannik inatsiseqartitsinerneq ministerimut Søren Pindimut kissaateqarsimapput.

Eqqartuussisarnermut inatsimmi aalajangersakkanik pinerluffigineqartut eqqunngitsuliorfigineqartut, meeqqanut 15-it inorlugit ukiulinnut eqqunngitsuliornerit, akileeqqusissutit aamma eqqartuussivinni nipinik immiussisinnaanerit pillugit inatsisitigut ajunnginnerusumik inissisimalernissaat pillugu aalajangersakkanik eqqussisoqarnissaanik Naalakkersuisut kissaateqarput ilanngussinissamik.

Pinerluttulerinermik inatsimmi kinguaassiuutitigut pinerluttarneq pillugu kapitalip nutarternissaa, aanngajaarniutit pillugit suliani annerusumik arsaarinnittoqarsinnaanera, illoqarfinni aallaasersortarnerit pillugit aalajangersakkat pinerluttulerinermik inatsimmut ilanngunneqarnissaat aamma inuiaqatigiinni sullissinissaq pillugu aalajangersakkat naleqqussarnissaat pillugit Naalakkersuisut kissaateqarput.

Inussiarnersumik inuulluaqqusillunga

Martha Lund Olsen

Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoq



Inatsisartuni ilaasortaq
Tillie Martinussen
Demokraatit

**Politiit misissueqqaarnerminni pisinnaatitaaffii pillugit § 37 naapertorlugu
apeqqutip nr. 205-ip akineqarneranut tunngasoq**

Asasara Tillie Martinussen

Allakkanni ulloq 4. august nassiunneqartumi ilisimatitsissutigaara politiit
misissueqqaarnerminni pisinnaatitaaffii pillugit apeqqutit ulloq 2. september 2016
aatsaat akissuteqarfigisinnaassallugu, justitsministeriamit akissuteqaatissamut
ilanngussassat utaqqineqarneri patsisigalugit.

Justitsministeriaqarfilli piffissap ingerlanerani nalunaarpoq suliassaq saliutillugu
sularissallugu, akissuteqarnissamulli piffissaliussap iluani akissutissamut
ilanngussassaminnik ajoraluartumik tunniussisinnaanatik. Justitsministeriaqarfiup
ilanngussassai suli utaqqivakka, naatsorsuutigalugulu apeqqutigisatit kingusinnerpaamik
ulloq 3. oktober akissuteqarfigisinnaassallugit.

Inussiarnersumik inuulluaqqusillunga
Med venlig hilsen

Martha Lund Olsen

Ilaqutariinnermut, Naligiissitaanermut, Isumaginninnermut Inatsisinillu Atuutsitsinermut Naalakkersuisoq

05-09-2016
Suliap nr.
2016 - 11864
Allagaatip suussusia Nr.
3455637

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: lian@nanoq.gl
www.naalakkersuisut.gl



Inatsisartunut ilaasortaq
Tillie Martinussen
Demokraatit

**Politiit misissuinissamut pisinnaatitaaffii pillugit § 37 naapertorlugu apeq-
qummut nr. 205-imut akissut**

Asasara Tillie Martinussen

Politiit misissuinissamut pisinnaatitaaffii pillugit apeqqtinnut qujanarujussuaq.
Akissummut paasisaqarnerunissaq siunertaralugu apeqqtitit Inatsisinik
Atuutsitsinermut Ministereqarfimmut ingerlateqqippakka. Inatsisinik
Atuutsitsinermut Ministereqarfiup suliassaq salliutillugu suliariumallugu
ilisimatippaanga, akissuteqarnissamulli piffissaliussatut taaneqartoq
qaangiutsinnagu akissuteqarnissamut periarfissaqanngitsoq
ilisimatitsissutugalugu.

Inatsisinik Atuutsitsinermut Ministereqarfiup akissutaata tiguneqarnerata
kingorna apeqqtitit akiumaarpakka, kingusinnerpaamik ulloq 2. septmber 2016.

Inussiarnersumik inuulluaqqusillunga

Martha Lund Olsen

Ilaqutariinnermut, Naligiissitaanermut, Isumaginninnermut Inatsisinillu Atuutsitsinermut
Naalakkersuisoq

04-08-2016
Sagsnr. 2016 - 11864
Akt ID. Nr. 3152613

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl